



Pou Piblikasyon Imedya: 07/06/2023

GOUVÈNÈ KATHY HOCHUL

**GOUVÈNÈ HOCHUL ANONSE PRIM 11 MILYON DOLA NAN KAD LWA SOU
ENFRASTRIKTI BIPATIT LA POU AMELYORE SEKIRITE PYETON AK ELIMINE
PASAJ A NIVO NAN FWA ETA NEW YORK**

*Amelyorasyon nan State Fair Boulevard la pou rann fwa eta a yon eksperyans ki
pi agreyab pou tout moun*

Reprezantasyon grafik pwojè yo disponib [isit la](#)

*Gran Fwa Eta New York 2023 a ap ouvri mèkredi 23 out epi l ap kontinye jiska
jounen travay la nan 4 septanm*

Gouvènè Kathy Hochul te anonse jodi a yon sibvansyon 11 milyon dola nan pwogram Eliminasyon Pasaj a Nivo Administrasyon Federal Chemennfè Depatman Transpò Etazini bay Depatman Transpò Eta New York pou amelyore sekirite ak eksperyans pyeton pou plis pase de milyon vizitè chak ane nan Fwa Eta New York (New York State Fairgrounds). Finansman an, ki bay dapre Lwa sou Enfrastrikti Bipatit la, pral pote amelyorasyon nan State Fair Boulevard nan Vil Geddes epi li gen ladan plis pase 17,000 pye kare nouvo twotwa ki respekte Lwa sou Ameriken Andikape yo, eliminasyon twa pasaj a nivo, nouvo pòtay ak limyè sikilasyon. Yo prevwa pwojè a ap kòmanse an 2024 epi fini an 2026.

"Fwa Eta a se youn nan pi gwo destinasyon touris nan tout New York, epi sibvansyon federal sa a - ki te rann posib grasa Pwogram Enfrastrikti Bipatit la - pral fè eksperyans vizitè a vin pi an sekirite, pi agreyab pou plizyè milyon moun k ap soti toupatou nan mond lan chak ane", **Gouvènè Hochul te deklare.** "Depi nan moman yon vizitè kite yon machin, otobis oswa tren, Fwa a se fondamantalman yon eksperyans pyeton, epi nou vle kenbe pyeton yo an sekirite nan mezi posib pandan y ap jwi tout bèle bagay konplèks 152 ekta sa a gen pou ofri. Ansanm ak envestisman kontinyèl nou yo ki gen plizyè milyon dola pou amelyore enfrastrikti fwa a ak eksperyans lan, amelyorasyon sa yo nan State Fair Boulevard pral ede amelyore sekirite pandan l ap asire yon bon moman pou tout moun".

Pwojè konsolidasyon pasaj a nivo nan Fwa Eta New York la pral fèt sou State Fair Boulevard. Pwojè a pral amelyore kondisyon sekirite pou plis pase de milyon vizitè chak ane nan Fwa Eta New York la lè li enstale kliyotan, pòtay, limyè sikilasyon, ak lòt aparèy

sekirite nan fwa a nan pòtay 1, 2, 4 ak 6 ansanm ak nan tout State Fair Boulevard. Y ap enstale plis pase 17,000 pye kare nouvo twotwa ki konfòm ak ADA, sa ki fasilité mouvman soti nan zòn pakin nan pou ale nan pòtay antre yo, pou asire moun yo ka antre nan fwa a san danje nan yon pasaj ki pwoteje.

Yo pral elimine twa pasaj a nivo, pandan y ap kat rès yo ap ekiplak epi nouvo aparèy avètisman, baryè ak kloti. Travèse sa yo bay aksè nan zòn pakin yo nan Fwa a epi kounye a pa gen okenn siyal oswa aparèy avètisman. Pwojè a gen ladan aksesibilite ak amelyorasyon pakin, yon nouvo sistèm kloti ki antoure ray yo, ak aranjman fil datant revize nan pòtay antre yo. Yo estime ke plis pase yon milyon moun, ki gen ladan vizitè nan fwa yo, anplwaye yo, ak machann yo, itilize sa yo nan pasaj a nivo yo chak ane, prensipalman pandan Fwa a, pandan ke pak eksposizyon yo an jeneral atire apeprè de milyon vizitè pandan tout ane a.

Pwojè a gen ladan tou modifye itinerè Santye Empire State la pou li pa mande pou antre nan Fwa a ankò, elimine pasaj a nivo ki pa nesesè pou pyeton ak siklis k ap itilize santye a. Nouvo koneksyon twotwa yo pral bati nan kad re-acheminman Santye Empire State la, pou ogmante navigabilite ak sekirite nan santye ke siklis ak pyeton itilize anpil sa a. Yo estime ke apeprè de milyon moun itilize pasaj a nivo sa yo chak ane, ak plis pase yon milyon nan pasaj sa yo fèt pandan Gran Fwa Eta New York la.

Komisè Depatman Transpò (Department of Transportation, DOT) Eta a, Marie Therese Dominguez te deklare, "Fwa Eta a se yon jwayo pou agrikilti, touris ak komès, epi Depatman Transpò a fyè de kontribisyon li kontinye bay pou amelyore eksperyans pou moun ki vin nan fwa, anplwaye yo ak vizitè yo. Tradisyon inik ki ka rive sèlman nan fwa eta a fè moun yo tounen ane apre ane. Ansanm ak konstriksyon Orange Lot ak Memoryal Travayè Otowout nou an, pwojè sa a montre kijan Depatman Transpò se yon pati entegral nan eksperyans Fwa Eta a".

Direktè Enterimè Gran Fwa Eta New York la, Sean Hennessey, te deklare, "Ant Gran Fwa Eta New York chak ete, ak Pak Eksposizyon Eta (State Fairgrounds) a – yon konplèks amizman ak evènman nan Santral New York – nou akeyi plis pase 2,000,000 moun chak ane. Nou toujou ap chèche fason pou fè eksperyans vizitè a pi efikas, akeyan ak agreyab. Se yon priyrite pou ekip nou an pou asire ke Fwa a ak Pak Eksposizyon yo aksesib, ak akomode nan mezi posib, pou tout vizitè yo. Nou remèsyen Depatman Transpò Eta New York ak Administrasyon Federal Chemennfè pou sibvansyon sa a ki pral rann li pi fasil pou deplase atravè Pòtay 1, 2, 4 ak 6".

Senatè Chuck E. Schumer te deklare, "Mwen fyè pou m fè envestisman plis pase 11 milyon dola sa a atravè Lwa sou Enfrastrikti ak Travay Bipatit la nan New York pou elimine pasaj a nivo danjere nan Pak Eksposizyon Eta nan Syracuse la pou ogmante sekirite pyeton yo. Pak Eksposizyon Eta New York yo se youn nan destinasyon ki pi popilè nan tout Nò Eta New York- ak akeyi plizyè santèn milye vizitè chak ane- epi li enpòtan pou nou ede kenbe rezidan yo ak vwayajè yo an sekirite pandan n ap vizite sit sa yo renmen anpil la".

Senatè Kirsten Gillibrand te deklare, "Envestisman nan sekirite pasaj a nivo pwoteje lavi pyeton, siklis ak chofè yo. Mwen fyè dèské m te travay pou sekirize finansman sa a atravè Lwa sou Enfrastrikti Bipatit la ki pral ede amelyore sekirite pyeton pou Nouyòkè yo ak vizitè yo. Mwen pral kontinye goumen pou resous federal yo pou anpeche trajedi sikilasyon yo epi kenbe kominote nou yo an sekirite".

Senatè John W. Mannion, Prezidan Komite pou Moun Andikape yo, te deklare, "Mwen remèsye Gouvènè Hochul ak Depatman Transpò Eta New York paske yo kontinye amelyore aksè nan Fwa Eta New York la. Pwojè konsolidasyon pasaj a nivo 11 milyon dola a pral rann li pi an sekirite pou tout moun ale ak soti nan fwa a, enkli moun ki gen andikap. Nouvo twotwa ki konfòm ak ADA yo pral rann li pi fasil pou moun ki andikape yo deplase nan fwa a epi jwi tout sa premye evènman New York sa a gen pou ofri".

Manm Asanble William Magnarelli, Prezidan, Komite Transpò a, te deklare, "Mwen kontan wè envestisman sa a nan enfrastrikti sikilasyon toupre Fwa Eta New York la. State Fair Boulevard se yon koridò ki gen anpil moun ki vin pi okipe sèlman pandan Fwa Eta New York la chak ane. Pwojè fini an pral ede kenbe sikilasyon an ak sekirite pyeton yo".

Jerry Albrigo, ki se Sipèvizè Vil Geddes, te deklare, "Amelyorasyon enfrastrikti nan pwopozisyon Gouvènè Hochul yo pral sètènman ede moun ki andikape yo gen plis aksè a gwo Fwa Eta New York la, konsa l ap ogmante prezans ak popilarite gwo evènman sa a nan fen sezón ete ki sitiye nan Vil Geddes".

Pwogram Sibvansyon pou Eliminasyon Pasaj A Nivo Administrasyon Federal Chemennfè Depatman Transpò Etazini a te bay 573 milyon dola nan finansman pou pwojè amelyorasyon pasaj a nivo otowout oswa fewovyè ki konsantre sou amelyore sekirite ak mobilite moun ak machandiz yo. Pasaj a nivo nan entèsekson otowout ak mòd transpò tren yo natirèlman danjere. Kontrèman ak entèsekson machin yo, yon tren nan pifò ka yo pa ka kanpe san danje nan yon fason awopriye pou evite kolizyon. Pandan plis pase 30 ane gouvènman federal la te bay eta a finansman devwe etabli pou amelyore sekirite ak elimine danje ki genyen nan pasaj a nivo yo.

New York te istorikman yon lidè nan sekirite pasaj a nivo depi kòmansman pwogram sekirite federal pasaj a nivo yo an 1975, ki konsantre sou bay sistèm modèn avètisman pasaj a nivo yo nan tout pasaj publik yo ansam ak diminye kantite total pasaj yo pa fèmti oswa eliminasyon. Nan prèske 2,700 pasaj a nivo publik yo nan New York, plis pase 2,000 ekipe ak aparèy avètisman aktif (kliyotan oswa baryè) ak apeprè 750 pasaj publik ki rete ekipe ak siyal pasif (crossbucks). Kòm rezulta efò sa a, New York gen youn nan pouvantaj aksidan pasaj a nivo ki pi ba nan peyi a, menmsi volim sikilasyon sou sistèm tren ak otowout la te montre yon ogmantasyon konstan ak siyifikatif pandan 30 dènye ane yo.

Depatman Transpò Eta New York pral kontribye yon korespondans ki pa federal ki se 20 pouzan nan pwojè a.

Dapre Plan Sekirite Aksyon Pyeton an, Depatman Transpò a te konstwi yon kantite amelyorasyon sekirite nan dènye ane ki sot pase yo sou State Fair Boulevard, ki gen ladan amelyorasyon siyal sikilasyon yo ak mak pou pasaj pou pyeton ki amelyore.

[Gran Fwa Eta New York la](#) ouvri mèkredi 23 out epi l ap kontinye jiska jounen travay la 4 septanm. Admisyon, ki ta dwe vann sou entènèt nan kèk semèn sèlman, se 6 dola pou granmoun, epi gratis pou moun ki gen 12 ane ak pi piti, ak 65 ane ak pi gran.

Fonde an 1841, Gran Fwa Eta New York la mete an valè sa ki pi bon nan agrikilti New York la, ofri bon jan kalite divètisman epi li se yon eleman enpòtan nan kad estrateji [CNY Rising](#) eta a pou devlope ekonomi rejyon New York Santral la gras a touris. Yo toujou rekonèt li kòm youn nan senk premye fwa nan Etazini.

Kote yo fè Gran Fwa Eta New York la se yon konplèks pou espektak ak ekspozisyon ki mezire 152 ekta epi ki fonksyone pandan tout ane a. Yo ankouraje odyans yo pou yo aprann plis sou Gran Fwa Eta New York la sou [entènèt](#), epi suiv plezi a atravè foto sou [Flickr](#), epitou pou angaje ak Fwa a sou rezososyal yo atravè [Facebook](#), [Twitter](#), ak [Instagram](#).

###

Lòt nouvèl disponib sou sit [www.governor.ny.gov](#)
Eta New York | Chanm Egzekitif | press.office@exec.ny.gov | 518.474.8418